

SMK Labuan Juara Hoki Lelaki Bawah 18 Tahun MSS WP Labuan



Labuan – SMK Labuan dinobatkan sebagai juara kategori Lelaki Bawah 18 di Kejohanan Hoki Majlis Sukan Sekolah-Sekolah Wilayah Persekutuan (MSSWP) Labuan (4'S Modified Game) yang berlangsung di gelanggang Serbaguna Terbuka SK Bukit Kallam pada 11 hingga 13 Julai.

Pada perlawanan akhir, SMK Labuan berjaya menebus kekalahan 0-1 di peringkat liga di tangan SM Sains Labuan setelah menang bergaya dengan keputusan 5-0.

Adik Mohd Noorhakimin Noorashikan dari SMK Labuan muncul penjaring terbanyak dengan 4 gol.

Perlawanan yang diadakan secara liga dalam satu kumpulan itu menyaksikan dua pasukan teratas iaitu SM Sains Labuan dan SMK Labuan layak ke perlawanan akhir.

Terdahulu, pada peringkat liga, SMK Labuan mengalahkan SMK Pantai IBWS 4-0, seri dengan SMK Mutiara 0-0 dan

tewas di tangan SM Sains Labuan (SM Sains Labuan) 0-1.

Kejohanan pada kali ini diselenggarakan oleh SMK Labuan serta Jawatankuasa Teknik dan Pembangunan Sukan Hoki Majlis Sukan Sekolah Wilayah Persekutuan Labuan.

Hadiah berbentuk medal, trofi dan sijil disampaikan oleh Ketua Unit Sukan Jabatan Pendidikan Wilayah Persekutuan Labuan Encik Ag Mohd Zain Ag Anak.



Mohd Noorhakimin menerima anugerah penjaring terbanyak daripada Encik Ag Mohd Zain diperhati oleh Encik Ismail dan Encik Mohd Afendi

Turut hadir, Pengetua SMK Labuan Ismail Abdullah yang juga pengerusi pengelola kejohanan dan Pengerusi Teknik dan Pembangunan Sukan Hoki MSSWPL Encik Mohamad Affendi Abas.

Pengadilan sepanjang kejohanan itu dibantu oleh ahli Kelab Hoki WP Labuan.

Sementara itu, Encik Ismail berharap agar SMK Labuan dapat meneruskan kejayaan dalam sukan hoki ini pada tahun-tahun akan datang termasuk bagi kategori perempuan.

“Tahniah buat pemain dan jurulatih pasukan hoki lelaki yang menjuarai kejohanan itu. Saya berharap kejayaan itu akan dituruti oleh pasukan hoki perempuan,” katanya selepas perlawanan akhir dilangsungkan.

Beliau mengucapkan terima kasih kepada PIBG yang memberi sokongan dan bantuan kepada pembangunan sukan SMK Labuan termasuk sukan hoki.

Berita Oleh : SMK Labuan